



Jarðhitafélag Íslands

Fundargerð 79. stjórnarfundar Jarðhitafélags Íslands fimmtudaginn 8. janúar 2009 kl. 16:00, í húsakynnum GGE.

Mætt: Auður Andrésdóttir, Ásgeir Margeirsson, Bjarni Pálsson, Gústaf Adolf Skúlason, Jónas M. Matthíasson, Ólafur G. Flóvenz og Ragna Karlsdóttir.

1. Fundargerð síðasta fundar.

Fyrirliggjandi drög samþykkt.

2. Vefur JHFÍ.

AA og GAS munu fá kennslu í notkun nýja vefstýrikerfisins fimmtudaginn 15. janúar. Stefnan að hefjast svo handa og koma upp nýjum vef.

3. WGC 2015.

Farið yfir ýmis gögn vegna væntanlegrar umsóknar um að halda WGC 2015 á Íslandi. Öllum umsóknargögnum þarf að skila í síðasta lagi 28. febrúar. Ákveðið var að setja á fót sérstakan starfshóp um málið og hann munu skipa þau GAS, JM og RK. GAS mun veita hópnum forstöðu. Hópurinn hittist næst 15. janúar og mun ÁM einnig sitja þann fund, auk þess sem GAS mun boða Árna Ragnarsson og fulltrúa ráðstefnuskrifstofu á fundinn, en nauðsynlegt er að nýta þjónustu slíks aðila. Fjallað var um ýmsar hliðar íslensku umsóknarinnar og samþykkt að stefna að því að þingið verði haldið í Laugardalshöll og að einhverju leyti í fundarsölum nálægra hótela. Þingið er ávallt haldið í apríl eða maí. Rætt var um að í íslensku umsókninni kæmi fram að hér á landi sé þroskaður jarðhitaiðnaður en jafnframt mikil uppbygging um þessar mundir. Þá hafi Ísland sóst eftir að hýsa þingið 2010. Allar hugmyndir um kostnað verða að miðast við þau verð sem reikna má með nú sumarið 2009, en taka þarf skýrt fram að miðað sé við verðlag og gengisfarsendur þessa árs. Stefnan er að þinghaldið verði fjárhagslega sjálfbært, með þátttökugjöldum, sýningargjöldum og tekjum af kynningarmálum. Engu að síður er nauðsynlegt að fá trausta aðila til að ábyrgjast þinghaldið fjárhagslega. Rita þarf stjórn Samorku erindi tímanlega fyrir stjórnarfund samtakanna 5. febrúar nk., með ósk um undirskrift formanns á yfirlýsingu um slíka ábyrgð, en jafnframt að fá slíkar undirskriftir frá iðnaðarráðherra, borgarstjóra og orkumálastjóra. ÁM tekur að sér að afla þeirra undirskrifta við stuðningsyfirlýsingu, en trúlega er mikilvægt að Samorka komi fyrst og GAS og ÁM nálgast það sameiginlega.

4. Aðalfundur JHFÍ.

Stefnan tekin á 21. apríl, aðalfundur kl. 13 en opinn fundur kl. 14. Efni hans ákveðið síðar, t.d. í mars. Rétt að huga að hugmyndum um hugsanlega endurnýjun í stjórn fyrir næsta fund.

5. Önnur mál.

Fram kom að innheimta félagsgjalda fyrir árið 2008 væri í vinnslu.

Næsti fundur mánudaginn 2. febrúar kl. 15.30, húsakynnum Samorku, þar sem staðan á tilboðsgerð vegna WGC 2015 verður til umfjöllunar, sem og aðalfundur, vefurinn o.fl.

Fundi slitið kl. 17:10.

Gústaf Adolf Skúlason, fundarritari
